

中國方志叢書·華中地方·第一四五號

據

清·阿克當阿等修，姚文田等纂
清嘉慶十五年刊本

影印

江蘇省

揚州府志

(十)

成文出版社有限公司印行



10098790

中國方志叢書·華中地方·第一四五號

據

清·阿克當阿等修，姚文田等纂
清嘉慶十五年刊本

影印

江蘇省

揚州府志

(十)

成文出版社有限公司印行



10098791

中國方志叢書·華中地方·第一四五號

據

清·阿克當阿等修，姚文田等纂
清嘉慶十五年刊本

影印

江蘇省

揚州府志

(十二)

成文出版社有限公司印行



10098792

中國方志叢書·華中地方·第一四五號

據

清·阿克當阿等修，姚文田等纂
清嘉慶十五年刊本

影印

江蘇省

揚州府志

(十三)

成文出版社有限公司印行



10098793

中國方志叢書·華中地方·第一四五號

據

清·阿克當阿等修，姚文田等纂
清嘉慶十五年刊本

影印

江蘇省

揚州府志

(十四)

成文出版社有限公司印行



10098794

中國方志叢書·華中地方·第一四五號

據

清·阿克當阿等修，姚文田等纂
嘉慶十五年刊本

影印

江蘇省

揚州府志

(十五)

成文出版社有限公司印行



10098795

中國方志叢書·華中地方·第一四五號

據

清·阿克當阿等修，姚文田等纂
清嘉慶十五年刊本


影印

江蘇省

揚州府志

(十六)

成文出版社有限公司印行



10098796

中華民國六十三年六月壹一版

揚州府志

全十六冊

發行人：黃

成

助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

重修揚州府志卷之四十五

宦蹟志三

國朝

沈文奎字清遠浙江會稽人客遊遼東順治元年扈從入關次年總督漕務時區宇初定江淮多伏莽文奎綏輯多方十年再督漕運賑濟淮揚等處饑民全活無算

事見紹興府志及盛京通志

周亮工字元亮江西金谿人

祥符籍

進士順治三年以御

史招撫兩淮尋授鹽法運使行道臣事力請削舊餉行新鹽商困盡蘇課因以裕陞海防兵備時地方初定告

密者多亮工持以鎮靜人皆樂業海陵有點奴密告宦
室謀反狀趣治兵掩捕之亮工偵知其妄全活甚眾一
日撫軍趣議事傳呼甚亟眾皆驚亮工徐行至堂下撫
軍作色曰吏報某地賊起待公急撲滅之來何遲亮工
曰以某料之必無是事撫軍恚甚曰觀察能以百口保
鼠輩乎亮工應曰能第倉卒未蓐食煩爲某置食食訖
出呼騎士譙讓之曰撫軍趣吾會食向驚呼奚爲於是
驚擾始定然亦卒無賊也未幾擢福建臬司

雍正志
康熙志云

亮工撫恤凋瘵爲民贖被俘子女無
算廣儲門外白骨如山置義塚埋之

卞三元遼東蓋州人順治三年知揚州府時戡定之始

民多失業三元撫綏招徠流亡漸復田畝汗萊力請蠲
逋緩征期年之後地闢土滿凡侵隱絕戶產業告訏者
三元片言剖析人皆折服親臨學宮講導大義士子觀
聽者踵至累官至雲貴總督

雍正志

李嵩陽字弦佩河南封邱人舉人順治四年授御史巡
視兩淮鹽政時揚瘡痍未復舊商亡竄失業者過半鹽
筴凋耗嵩陽勸徠慰恤新舊俱集

雍正志

王宇春遼東人順治五年知揚州府諮詢疾苦每戎旅
經過親至郊外設供帳犒以牛酒約束出境毋敢譁者
勵操廉潔立銘座右誓不受枉法一錢民皆德之

雍正志

劉宗孟字與瞻遼東人順治六年知儀真清峻愛民不受請謁無敢以私干者先時里下積弊正項一兩雜科加數倍蠹胥蠶食其中民欲避徭役田不受直悉歸之勢家宗孟盡革其弊民困始蘇時舟師入楚道必經邑供應無虛日宗孟出城犒師陳說邑民疾苦供億簡當牽挽不勞戰艦無停逗捐俸修四閘以利漕運民皆賴

之儀徵
志

張元遴遼東人順治八年知揚州府汰冗役禁健訟不遣一胥至屬邑郡內以安三載遷金衢觀察後卒於漳南櫬過揚州士民咸垂涕迎送之

康熙
志

趙汲字潤宇遼東錦州人順治八年知泰州首擒劇盜
游三游四等民賴以安市河淤塞汲督民疏濬又修學
宮設藥厰代貧民完漕欠以除宿累州疊被水災田盡
沒民不聊生汲屢陳蠲恤皆得請崇祀泰州名宦雍正志
李培真字仲儒夏邑人進士由贊善出爲揚州兵備道
副使時海寇猖獗姦民朱鋌聚眾千人爲內應培真秘
授方畧立擒賊首民賴以安河南通志

劉毓桂字官培壽光人進士授揚州推官剖決明析平
反冤獄發江洋大盜置舞文吏於法海寇掠江南潤浦
瓜儀皆震毓桂登陴城守措畫方畧寇知有備遁去

通志 康熙志云時揚有巨猾犯法應追厥若干率引私仇富戶展轉株染反因以漁利鉅桂嚴有之輩釋無辜良民感頌

羅大猷字翊宸江西南昌人進士順治十二年知揚州府爲政持重不事紛更尤清節自愛在任二載無苞苴私謁以公事註誤免官人咸惜之雍正志

高光夔字念侶文安人進士爲揚州兵備道值海寇頻警大兵欲掃蕩淮揚光夔力爲諍持全活無算至今淮揚猶尸祝之畿輔通志 泰州志云光夔至任首除臺派聚爲居奇燈火費動輒數百門軍乘居民出入橫索錢光夔謂泰距揚百里當以揚之緩急爲緩急一切持之以靜泰人始安

傅登榮字哲祥遼東人順治十四年知揚州以導民化俗爲先務率僚屬詣書院與諸生講論反覆辯難環聽者千人郡人爲立去思碑

雍正志康熙志云登榮有善政七事載於碑今碑文無

考

姚延著字象懸浙江烏程人進士順治十六年任江南按察使時天長縣草賊劉青海乘釁爲亂掠民牛馬殆盡高郵富民姚某陳某凡七姓有與爲仇者誣以助賊牛馬訟之州州申臬司延著察其無辜盡釋之擢河南布政使去復爲奸吏所持此七姓坐死徙數十百人皆言公不去任則七人之身家可無恙也延著任江南司

景先後活千萬人竟爲仇者所中以死士民哭踊道祭

如喪其私親

事見吳世杰
號湖草堂集

李贊元海陽人進士授御史巡視兩淮鹺政潔躬除弊

調劑得宜商竈歡呼凡所施行皆裨鹽政累陞督捕侍

郎

山東
通志

王士禎字貽上新城人進士任揚州司理讞海寇重案

全活甚眾以才名內擢揚人祠祀於平山堂與歐陽修

蘇軾共稱三賢云

山東通志
康熙志云時荀與雀舫
與四方名彥高會蜀岡紅橋授簡賦

詩者賢畢集一
時傳爲盛事

邱時中字拙叟山東濟寧人進士順治十七年知儀徵

縣明察執法邑無冤民嘗夜寢見一人持粉牌跪上有十分處人四字驚起索火視之不見惟聞血腥時案牘有殺人事悟曰此十八刀也詰旦訊之果肢解如其數冤遂白又一日閱公牘微哂曰天下至公之事往往遂成至私之事時以爲格言

儀徵縣志 案舊志 敘事未明疑有脫句

熊明遂字仲良江西豐城人舉人順治十八年知江都縣邑故華侈示之以儉聽訟廉得其情片言立剖徐導以禮讓皆悔悟和解去歲值編審明遂平徭均賦自訂冊籍吏胥不能上下其手去之日囊無長物惟圖書數卷而已

雍正志